

الرشاد

س ۶ ۱ ۳ ۳ ۰ ۱ ۳ ۳ ۰ ۱ ۳ ۳ ۰

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیہ در اتبعون اهدکم سبیل الرشاد

صاحب و مدیر مسئول : ح . اشرف ادیب

تراجم احوال

برفلاکت مشترکه

احتمالکه شو عنوانی کوروب حقیقتدن بی بهره اولانلر استغراب ایدرلر . لکن ارباب نصفت و اذعان بلا تردد تسلیم ایدرلرکه ۲۶ ذی الحجه سنه ۳۳۰ تاریخنه تصادف ایدن جمعه کوننده عازم باغ جنان اولان اکابر فضالادن ودهات علمای مسلمیندن عصر مزک علامه یکانه سی فاضل شهر محقق بی نظیر استاذ الاساتذہ مولانا (مناسرتلی الحاج اسماعیل حق) افندی حضرت تلیسک افول ابدیسی یالکیز عائله محترمه کدر دیده سنه خاص برفلاکت اولیوب بلکه بتون عالم اسلام ایچون برفلاکت مشترکه در . چونکه استاذ مرحوم علوم عقلیه و نقلیه بی خارقه بر صورتده جامع و مواهب الهیه و سجاای انسانییه دائر و متعلق بولنان علوم و معارفه کما یبغی آشنا برفاضل دریادل اولوب اعظم بلاد اسلام و محیط رجال علمای اعلام اولان بلد استانبولده مروجله تفرد ایتیش بر ذات فضائل سمات ایدی . نطق عالیرنده کی بلیغانه نظام و تقریر و تحریرلرینک اداسنده کی انسجام یک مکمل اولدینی کی شیرین و همد میتین ایدی . مطلوب و مدعاسنی اثبات ایچون سوق ایتدیکی براهینی لزومی قدر ایضاح ایدر و صدودن خارجه چیقمازدی . تعصب و حق ناشناسلقدن بغایت بجانب ایدی .

محالس علمیه و مواعظ دینه لرینه مداوم اولانلر اخلاق ردیشه دن تخلی و فیوضات فضل و معارف ایله تحلی ایدرلر ایدی . بالتصادف اوغرایان ارباب تقدیر دخی غیر اختیاری اولارق درحال قعود ایله حاله کوره مستفید و مستفیض اولدینی کی قلبنده دخی او محترم سپای نوره غیر قابل تعریف برانجذاب و محبتله قالفار ایدی . (بوعبد عاجز دخی او مجلس فیض لامعه عنفوان شبامدنبرو دوامله بی نهایت استفاده و مسلك جلیل علمیه یه سلوک شرفه نائل اولوب اومفسر زمانک فاتح جامع مشرفنده کزیده طلبة علومدن بر جم غفیره کمال تحقیقات و تدقیقات و فنون شتی به تطبیقات و ذاتنه مخصوص مهابت و وقار ایله تدریس بیوردقلری تفسیر بیضاویدن سورة جلیله لقمان و اوائل سورة جلیله نسا درس لرنده بلا فوت حاضر بولوب غوامضی حله دائر تقریرات استاذانه لرینی ضبط و ثبت ایله علم جلیل تفسیرده برمسلك صحیح کوردیکمدن صمیمی برداعیسی اولقله مفتخرم)

مرحوم مشارالیه حضرتلری عمرینی حیاتی دین جلیل اسلامه خدمت و تدریس علوم شریعتیه حصر ایدوب مدافع دین مبین احمدی اولدینی آثار و مقالاتیسه ثابتدر . باخصوص کزیده نفائس اطلاقه بحق شایان برکوه صفا آور صدور اهل ایمان اولدینی وارسته عرض وافهام اولان مرحومک رساله جلیله حمیدیه ترجمه سی بوبابده بر برهان باهردر .

صیت فضل و کمالی دنیایی طوتمش اولوب محض اثر حسد اولارق حقدنه ایدیلان قال و قیل ، شرف و شهرتنه نقصیه ایرانی شوبله طورسون ، جهت اخری ملاحظه سیله اربابی عنندنه مزیت و علویتنی تزئید ایلر . قال ابوالاسود الدؤلی :

حسدوا الفتی اذلم بنالوا سبیه - فالقوم اعداء له وخصوم
حسد علماء بیننده دها زیاده کورنمکده در . بناء علیه مذهب مالکیده آنلرک یکدیگرلری علیهنده شهادتلی قبول اولنماز .
عبداء بن عباس رضی عنهما رب الناس حضرت تلیسک کلماتدر :
علمائک سوزلرینی دیکلیکیز ، آنجق بربرلری علیهنده وقوعبولان کلاملرینه حواله سمع و اعتبار ایتیکیز ، چونکه آنلرده کی تحاسد و تباعض هر کسدن زیاده در .

خلاصه استاذ مرحومک شان عالیرینه لایق بر صورتده مدح و ستایشلرنده خامه ران مقال اولق خدمدن خارج اولدینی کمال جدیتله اعتراف ایدر و (سقی الله مرقدہ شایب الرضوان - واسکنه اعلى فرادیس الجنان) دعاسیه ختم کلام ایلرم .

فاتح درس علملرندن وفتواخانه عالی مسودلرندن

شهره مصطفی صفوت

مَقَالَات

مخارجه :

بر محقق ایله مقلد آره سننده

۳

قیامتک یقین اولاسی اعتقادینک تأثیری — عربلرک اجدحسابی بشقه لرندن آلله لری — بوحسابک استعمالنده مضبوط اولان ط یق — ائمه ارسنه نک تاریخی — بونک قرآنده بولندینی انکار — سنی ایله شیعینک مناظره سی — کچن محاوره ده کی حدیث یهود حقدنه مباحنه واونک عدم صحی — اوائل سورده کی حسابی متکلمینک انکاری — سریانی و ملائکه لقی — حساب اجدک محنتده اتفاق — قیامت واوندن مقدم ظهور ایده جک علاماتی اولیانک کشفی — آخرتک جغرافیا وخریطه سی — قیامت وشرائطی حقدنه احادیث — دنیانک عمری — عمر دنیا حقدنه کی احادیث موضوعه و منکره و بونی وضع ایدنلرک مقصدی — بوخصوصده برقاچ سوز .

اختیار واعظ ایله کنج محقق محاوره یه عودت ایتدیلر ؛ بودفعه هرایکیسی ده دلیل صحیح بولندقجه یکدیگرینک سوزینی قبول ایتیه . جککرنده متفق بولنیورلردی . بحث یسه ، قیامتک یقین اولسی ، و بونی اثبات ایتک ایچون سرد واتیان ایدیلن ادله نک طریقلری مسئله سننده ایدی .

چونکه قیامتک یقین اولدیفنه ، اوندن اولده بهمه حال «دین» ک دوچار ضعف اولاجفنه ، مسلمانلرک پارچه پارچه اوله رق هر بری برطرفده محو اولوب کیده جککرنده دائر هر عصرده وجودی اکسک اولمیان جاهل واعظلرک قویاردقلری فریادلر ، بودالاجه صدالر طولایسیله